

ուսագծորէն դրի առնել իմ ապրումները Երեւանում»։ Դրա համար էլ նա կարճ է կապում իր տպաւորութիւնները այդ մասին։

Հաքոտհաուզէնի մասին դրած մեր յօդուածը կարգացողը անտարակոյս նկատեց անմիջապէս, թէ նրա աշխատութիւնը որչափ աւելի արժէքաւոր նիւթեր է պարունակում Երեւանի մասին, բաղդատութեամբ Բողենքի տէրտի դրուածքներին։

* * *

Այժմ համառօտակի առաջ բերենք եւ այն հատուածները, ուր գերման բանաստեղծ-նամբորդը խօսում է Էջմիածնի մասին։

Տեսանք, որ նրան եւ իր ուղեկցին այնտեղ առաջնորդողը եղել է Պաշտուր Արտվեան (1844, մարտի վերջերին)։ Էջմիածնում նրանց ցոյց է տրուել վերին աստիճանի սիրալիք ընդունելութիւն։ Դրանից ընդամենը մի քանի ամիս առաջ Հաքոտհաուզէնի մինչեւ իսկ վանքի մատենադարանը ցոյց չէին տուել, պատրուակելով թէ «բանալիները կորել են»։

Աշտարակեցու ներկայութիւնը, ըստ երեւոյթին, բարեբար ազդեցութիւն էր ունեցել նաեւ Էջմիածնի յիշման վանականների վրայ։ Այդ պարագան Բողենքի տէրտի բացատրում է նրանով եւս, որ իրենք յանձնարարական են ունեցել Երեւանի բերդապետ Քիլից, ինչպէս նաեւ նրանով, որ Արտվեանի առաջնորդութեամբ են այցելած եղել Էջմիածին։

«Էջմիածնում մեզ այնպիսի սիրալիք ընդունելութիւն ցոյց տրուեց, — ասում է Բ. իր «Յուշեր»ի մէջ, — որ Ձատկին այնտեղ անցկացրած մեր օրերը իսկապէս որ բանաստեղծական եղան։ Երբ մենք մեր բարձրագոյն բնակարանից առաջին անգամ լինելով Արարատ սարը՝ բոլորովին անամպ վիճակում տեսանք, մեզ վրայ մի այնպիսի սրբազան ջերմեռանդութիւն իջաւ, որ Ռոզէն խեղրեց ինձ՝ այդ տրամադրութեան տակ մի քանի տող բան գրել ու իրեն նուիրել ի յիշատակ այդ օրուան»։ Եւ Բ. իր «Յուշեր»ի մէջ առաջ է բերում այն ոտանաւորը, որ գրի էր առել նա այդ բոլորին, ի տես հիասքանչ Մասիսի։ Նոյն խորը տպաւորութեան մի ուրիշ արտայայտութիւնն է բանաստեղծի հետեւեալ խօսքը.

«Երբեք եւ ոչ մի տեղ իմ կեանքում ես չեմ զգացել մի այնպիսի վսեմ, հրաշագործ

ջերմեռանդութիւն, ինչպէս այն առաւօտը, երբ ես Էջմիածնում առաջին անգամ բարձրագագաթ Արարատը տեսայ, — ամենագեղեցիկ յուշարձանը, որ Աստուած ինքն իր համար կանգնեցրել է այս աշխարհի վրայ։ Երկինքը պարզ էր ու վճիտ, ինչպէս անմեղ մանկան աչքերը... Նա ծածկուած էր, ոտից գլուխ, ճերմակ ու մարդարտային սաւանով։ Պորհրդաւոր լուծիւն էր իջել զարնանազարդ բնութեան վրայ» («Քրիստ. մուտք», 29)։

«Հազար ու մի օր Արեւելքում» աշխատութեան մէջ եւս (Ա. 165, 168) էջեր է դրաւում այդ այցելութեանը նկարագրութիւնը։ Այդտեղից իմանում ենք մենք, որ հեղինակը Ներսէս Ե. ի հետ ծանօթացած է եղել տակաւին Մոսկուայում։

Հետաքրքրական է այն՝ արեւելեան գոյնով երանգաւորուած՝ կենցաղագրական երկարախօսութիւնը, որ տեղի է ունենում Կաթողիկոսի տեղապահ արքեպիսկոպոսի ու գերման բանաստեղծի միջեւ, երբ սա իր ուղեկցիների հետ միասին ոտք է դնում վանքից ներս։

— Սրբազան հայր, — սկսում է բանաստեղծը, — երկնքի թռչունը բոյն ունի, անասունն էլ սրջ. միայն մարդ-արարածը չգիտէ, թէ ո՛ւր պիտի դնի իր գլուխը։

Արքեպիսկոպոսը պատասխանում է. —

— Ո՛վ օտարական, ի՞նչ է ասում բանաստեղծը. — Երբ հիւր է գալիս մօտը, լուա՛ր ոտները, գորգեր փոխի նրա առջեւ, որ նստի ու հանգստանայ օջախիդ մօտ։ Իմ տունը քոնն է։

Բանաստեղծը. —

— Այո՛, Գերապատիւ հայր, հիւրասիրութիւնը վարդաստան է դարձնում անապատը, մինչ թշնամանքը վարդաստանն էլ անապատի է վերածում։

Արքեպիսկոպոսը սեղմում է հիւրի ձեռքը եւ ասում.

— Օտարական, դու քո երիտասարդ տարիքի համեմատութեամբ՝ չա՛տ իմաստուն-իմաստուն բաներ ես խօսում։

— Սուրբ հայր, իմ իմաստութիւնը Գոնիդ արտացոլումն է միայն. քո խօսքերը ինձ վրայ իջնում են այնպէս քաղցրօրէն, ինչպէս Իսրայէլի որդոց գլխին՝ անապատի մանանան։